

**kazulisto.** Teologiisto, kiu studas la solvojn de konsciencaj duboj.

**kazulistiko.** Parto de la morala teologio, kiu temas pri la konsciencaj malfacilaĵoj.

\* **Ke.** Dependiga konjunkcio, enkondukanta : 1<sup>o</sup> Kompletigajn propoziciojn, kun rolo : 1 de subjekto : *estas al mi tre agrable*, ~ *mi havas la okazon nun saluti vin* Z ; *ne bone estas*, ~ *la malsanuloj fumas tian fortan tabakon* Z ; 2 de apozicio : *tiun supozon*, ~ *li estas trompisto*, *mi tuj pruvas al vi* ; *mi faras al vi donacon*, ~ *el via buŝo eliros perloj* Z ; *malgraŭ tio*, ~... ; 3 de predikato : *lia penso estas*, ~ *ni devas akcepti la inviton* ; 4 de objekta komplemento : *mi sentas*, ~ *la morto baldaŭ min vokos* Z. Rim. 1 : Post verboj signifantaj « diri, kredi, pensi » k la analogaj, Z kelkfoje subkomprenas la konjunkcion : *vi scias ja*, *vi ilin al mi donis* ; *kredu*, *mi dediĉas la lutan mian animon nur al mia reĝo* ; *mi diras al vi*, *ŝi ricevos enterigon kristanan*. Rim. 2 : Post la konj. **ke** oni povas trovi ĉiujn modojn laŭ la senco : *zorgu*, ~ *la reĝo ricevu la leterojn* Z ; *ne ekzistas eĉ la plej malgranda kaŭzo*, ~ *aperus ia nova lingvo*, kiu elpuŝus *esp-on* Z.

II<sup>o</sup> Cirkonstancajn propoziciojn, kun rolo de komplemento : 1 de kaŭzo : *mi estas furioza*, ~ *mi staras kiel malpravulo*, *dum mi estas prava* Z ; *mi ĝojas*, ~ *vi bone fartas* ; *mi dankas*, ~ *vi venis*. Rim. : En tiu senco **ke** estas ordinare precizigita per **tial**, **pro tio**, **pretekste** : *ĉiuj ŝatis esp-on tial*, ~ *ĝi alproksimigas la homajn korojn* Z ; 2 de celo : *ekzistas ezoko*, ~ *fiŝo ne dormu* Z ; *trapiku lin*, ~ *li momente falu* Z ; kiu *mi estas*, ~ *mi iru al faraono* Z ? Rim. : En tiu senco **ke** estas ordinare precizigita per **por** : *al ĉiuj anoncu*, *por* ~ *ĉiuj sciu* Z ; 3 de rezulto : *la muroj estis ornamitaj per grandaj pentraĵoj*, ~ *estis plezuro ĉion tion vidi* Z ; *paca silento*, ~ *ne blovas eĉ vento* Z ; kio *estas al la popolo*, *ke ĝi ploras* ? Z. Rim. : En tiu senco **ke** estas ordinare precizigita per **tiel**, **tiamaniere**, **tia**, **tiam** : *mi tiel kuris*, ~ *mi ne povas retrovi la spiron* ; 4 de kondiĉo : *supoze* ~ *estas dioj*, *tiuj dioj estas bonaj* ; *mi morgaŭ foriros*, *kondiĉe* ~ *vi min akompanos*. Rim. : Oni neniam uzu **ke** en la tempaj cirkonstancaj frazoj (Kp **kiam**, **ĝis**, **dum**, **ol**), nek antaŭ u-modo en ordona aŭ dezira ĉefpropozicio : *Dio volu* Z.

\* **Keglo.** Ĉiu el la lignaj kolonetoj, kiujn oni penas vete renversi, ĵetante inter ili lignan globon. ~ **aro.** Ludo per ~oj.

**kelranto** ☞. G. de kruciferoj (*cheiranthus*).

**keljo** ☞. Ligna aŭ metala peco, ĝenerale kojnoforma, uzata anstataŭ najlo, por perforte ŝtopi truon aŭ rigide kunfiksi du partopecojn : *algustiga*, *duobla*, *kalkana*, *konkava*, *kvadrata*, *ronda* ~o. ~1. Ligi aŭ fiksi per ~o.

\* **Kelo.** 1 Subtera ĉambro, en kiu oni konservas provizojn, vinon, nutraĵojn, karbon, ktp : *li havas nek ĉelon nek ~on* Z (li estas senhejmo) ; *malfermita ~o tentas al ŝtelo* Z. 2 (f) La tuta provizo da vino entenata en la ~o : *li estis fiero de sia ~o* Z. ~1sto. Servisto, kiu zorgas speciale pri la vinprovizoj.

**kelidonio** ☞. G. de papavacoj, kies suko estas flava k kaŭstika : *la kaŭstika suko de la ~o estas uzata kontraŭ la verukoj* (*chelidonium*).

\* **Kelka.** 1<sup>o</sup> Nedifina nombra adjektivo, kiu signifas : 1 (singulare) Nedifinitan kvanton de tuto, kies dividoj ne estas esprimeblaj per nombroj : *metu ~an ordon en vian paroladon* Z ; *antaŭ ~a tempo* Z ; *kun ~a hezitado* Z ; *en ~a maniero* Z, *rilato* Z ; *doni ~an klarigon* Z ; ĉiu, kiu opinias, *ke respondo pri lia demando povus havi ~an intereson por aliaj personoj*, *volu... Z* ; *en tiaj okazoj*, ~a libereco alportas al ni nenian malutilon Z ; ~tempa ĉeso ne estas forgeso Z (Kp IU, IA, IOMA). 2 (singulare) Nedifinitan, sed difineblan kvanton = certa 3 : ~a nombro da novaj vortoj Z ; *falis ~a nombro el la soldatoj* Z. 3 (plurale) Nedifinitan kvanton da pluraj nombreblaj aferoj, kontraste kun la tuto aŭ kun pli granda kvanto : *atendu nur ~ajn (malmultajn) minutojn* ; *ni prenos simple ~ajn ekzemplerojn* Z ; ~aj homoj sentas sin la plej feliĉaj, *kiam ili vidas la suferojn de siaj najbaroj* ; *tiuj ~aj (malmultaj) novaj esp-istoj deziris dikti leĝojn al la tuta popolo esp-ista* Z ; ~aga ekzerciĝo Z (Kp IU, DIVERSAJ, IOMAJ, PLI OL UNU).

II<sup>o</sup> (plurale) Samsenca nedifina nombpronomo : ~aj pensas, ke... ~e. Analoge kun **MULTE**, **IOM** **kc**, tiu adverbo estas uzata kun la senco de subst. mon-